

## ՈՐՈՇՄԱՆ ԸՆԴՈՒՆՄԱՆ ՀԱՏԿԱՆԻՇՆԵՐԻ ՀԱՄԵՄԱՏԱԿԱՆ ՎԵՐԼՈՒԾՈՒԹՅՈՒՆ

Հետազոտության տվյալ փուլը նախատեսում է գործունեության բարդ պայմաններում որոշումների ընդունման առանձնահատկությունների ուսումնասիրության մեթոդաբանական մոտեցումների վերլուծություն, ինչպես նաև որոշումների կայացման ցուցանիշների ադապտացիան և համեմատական վերլուծությունը ըստ որոշումների կայացման Մելբուրնյան հարցադարանի (MDMQ) հայկական տարբերակի: Քննարկվել և համեմատվել են տարբեր խմբերում որոշումների կայացման ոճերի ուսումնասիրության ցուցանիշները:

**Հանգուցային բառեր և արտահայտություններ.** թեստավորում, որոշման ընդունում, ոճ, քոփինգ, վարք:

Որոշումների կայացման հոգեբանական առանձնահատկությունների խնդրի մշակվածությունը մեթոդաբանական և ժամանակագրական տեսակետից բարդ և բազմակողմանի բնույթ է կրում: Ուսումնասիրությունները հիմնականում կենտրոնացված են որոշումների կայացման գործընթացի օպտիմալացմանը, որն իրենից ներկայացնում է թույլատրելի տարբերակների և այլընտրանքների որոշակի քանակության միջից առավել համապատասխան տարբերակ գտնելուն կողմնորոշված մեթոդների և միջոցների համադրություն: Որոշումների կայացման տարբեր առանձնահատկությունների խնդիրը արդիական է մարդու գործունեության գրեթե բոլոր ոլորտներում (ուսում, կառավարում, մարկեթինգ, սպորտ և այլ) և, համապատասխանաբար, բոլոր դեպքերում, գործունեության արդյունավետությունը կախված է համարժեք որոշումներից:

Անորոշության պայմաններում գոր-

ծունեության տարբեր չափանիշների գնահատումը շատ դեպքերում պայմանավորված է որոշումների կայացման արդյունավետությունից, ինչն էլ կախված է ինտելեկտուալ-անձնային կարողություններից: Տ.Վ.Կորնիլովան առաջարկել է որոշումների կայացման մոլտիպլիկատիվ մոդելը, որը բաղկացած է հետևյալ երեք հիմնական մտահայեցողական “առանցքներից”. ինտելեկտուալ կողմնորոշում, անձնային հատկություններ / որակներ/, որոշումների արդիագնեզիկան ինտելեկտա-անձնային ջանքերի շնորհիվ ըտրության մակարդակը բնորոշող նորագոյացությունների արտահայտվածություն [4, էջ 2-3]:

Որոշումների կայացման տեսության զարգացման ժամանակակից փուլը խթան է հանդիսանում ուսումնասիրության նոր հեռանկարային ուղղությունների ծավալման համար, որոնք ունեն ոչ միայն տեսական, այլև գործնական բաղադրիչներ: Գիտափորձերի ժամանակ, որպես կանոն, կիրառվում են մեթոդների համալիր՝ որոշումների կայացման առանձնահատկությունների և անձնային յուրահատկությունների միջև կապը բացահայտելու նպատակով: Օրինակ, հետազոտական համալիրներից մեկում ներառվել են “ինքնաարտացոլանքի զարգացման մակարդակի որոշման” թեստը, “որոշումների կայացման անձնային գործոններ” մեթոդիկան, “Սթրեսային իրավիճակների հաղթահարման ռազմավարություն” SACS սանդղակը և “ՄՊՊ” – որոշումների կայացման հարցաքանը [6]:

Ուսումնասիրության տվյալ փուլի նպատակն է որոշումների կայացման առանձնահատկությունների ուսումնա-

սիրության մեթոդաբանական մոտեցումների վերլուծությունը, ինչպես նաև նրա հայերեն տարբերակի տեղայնացումը և համապատասխանաբար փորձարկումը: Այս նպատակով, բազմաթիվ հետազոտական աշխատանքների ուսումնասիրությունների հիման վրա, ընտրությունը կանգ է առել որոշումների կայացման Մելբուրնյան հարցադարանի վրա (MDMQ): Թեստի տեղայնացմամբ գործընթացը անց է կացվել ժամանակակից հոգեախտորոշման մեջ ընդունված հիմնական դրույթներին համապատասխան [1]: Գիտափորձի մասնակիցների ընտրությունը իրականացվել է նմանատիպ հետազոտությունների նույնականացման սկզբունքով: Այսպիսով, հետազոտության մասնակից եղել են ուսանող-իրավաբանները և օպերատիվ գործունեությունում նեգրավված աշխատակիցները ( $n_1=56$ ;  $n_2=41$ ): Գնահատվել են նմանությունները և տարբերությունները ըստ սեռի, տարիքի և համապատասխան խմբերի: Հետագայում, կատարվել է հարցարանի հոգեչափական որակների հաստատունության սահմանված գործակիցների վերլուծություն: Որոշումների կայացման ռժի և գնահատման սանդղակի համապատասխանության վերաբերյալ ենթադրությունները ստուգման են ենթարկվել համեմատական վերլուծության և փորձագիտական հարցման մեթոդի կիրառմամբ՝ տաս տարին գերազանցող մասնագիտական փորձ ունեցող հոգեբան-հետազոտողների մասնակցությամբ ( $n = 8$ ):

Հարցարանի տեղայնացման գործընթացի ընթացքում նախատեսվում էր երկկողմանի թարգմանություն, բառակապակցությունների և եզրույթների լեզվաբանական փորձաքննություն, փորձագիտական հարցում, պիլոտաժ թեստավորում և տվյալների համեմատական վիճակագրական մշակում: Թարգմանության գործընթացը բաղկացած էր հարցադարանի ռուսերեն տարբերակի (Տ.Կորնիլովա, 2013) և անգլերեն

բնօրինակի (Լ.Մանն և Կ/Կ, 1997) հետ համեմատության փուլերից [4, 7]: Որոշումների կայացման գնահատման թեստի հեղինակները, մարդու որոշումների և ընտրության անձնային կարգավորման անհատական տարբերությունները նկարագրելու նպատակով առաջ են քաշում հետևյալ փոփոխականները՝ զգոնությունը, խուսափումը, գերզգոնությունը և պրոկրաստինացիան: Ընդհանուր առմամբ, այս որակների համադրությունը հեղինակները ուսումնասիրում են որպես որոշումների կայացման ռժ: Տ.Վ.Կորնիլովայի ուսումնասիրությունները ցույց են տալիս, որ Մելբուրնի հարցադարանի օգնությամբ ախտորոշվող որոշումների կայացման անհատական առանձնահատկությունները, կապ չունեն «IQ» հետ, բայց կապ ունեն մարդու «հուզական ինտելեկտի» (EQ) հետ: Մեր ուսումնասիրությունների ժամանակ կիրառվել է Ռավենի մեթոդիկան, որը բացահայտում է մտածողության տրամաբանական բաղադրիչը: Տվյալ թեստի ընտրությունը պայմանավորված է այն հանգամանքով, որ կոգնիտիվ փորձի տարբերակվածությունը կապ ունի ինտելեկտի այնպիսի առանձնահատկությունների հետ, ինչպիսիք են կոգնիտիվ բարդությունը և անձի վերբալ իրավասությունը [5]: Ենթադրվում է, որ այս բոլոր առանձնահատկությունները ազդեցություն ունեն գործունեության բարդ պայմաններում որոշումների կայացման արդյունավետության վրա:

Փորձարարական հարցման արդյունքների ամփոփումից և հիմնավորումների վերջնական ձևավորումից հետո, անց է կացվել ընտրված մասնակիցների թեստավորում: Ներկայացված իրավիճաններում վարքի կոփինգ ռազմավարության խմբային ցուցանիշների վիճակագրական վերլուծությունը համադրվել է նմանատիպ հետազոտության հետ: Ռացիոնալությունը որպես որոշումները կշռադատելու պատրաստականություն հակասական բնույթի կապ ունի հարցա-

րանի սանդղակների հետ, իսկ ռիսկի դիմելու պատրաստականությունը՝ բասացական կապեր արտահայտեց նրա բոլոր սանդղակների հետ:

Համեմատություն է անց կացվել փորձարարական և ստուգիչ խմբերի մեթոդիկաների չորս չափորոշիչների միջև: Ուսանողների ( $\bar{X}_1$ ) և աշխատողների ( $\bar{X}_2$ ) թեստավորման ցուցանիշները արտահայտվում են հետևյալ կերպ. զգոնություն –  $\bar{X}_1 = 11.05$ ,  $\bar{X}_2 = 15.25$ ; գերզգոնություն –  $\bar{X}_1 = 5.67$ ,  $\bar{X}_2 = 7.15$ ; խուսափում –  $\bar{X}_1 = 9.16$ ,  $\bar{X}_2 = 9.35$ ; պրոկրաստինացիա –  $\bar{X}_1 = 11.01$ ,  $\bar{X}_2 = 17.47$ : Երեք դեպքերում էլ միասեռ ցուցանիշների միջև տարբերությունները չեն գերադասել 3.0 միավորը ըստ մեթոդիկայի սանդղակի և չեն արտահայտել վիճակագրականորեն հաստատուն նշանակալի տարբերություն: Սա վկայում է որոշումների կայացման ժամանակ յուրահատուկ ռիսկերի հարաբերական ադեկվատ ընկալման մասին: Եվ միայն մի դեպքում է նկատվել հաստատուն տարբերություն՝ ոչ արդյունավետ ռազմավարության դեպքում՝ գերզգայնություն և զգայունություն ( $P < 0.001$ ): Այս առանձնահատկությունները կարելի է մեկնաբանել մեր ընտրված խմբերում իգական սեռի ուսանողների գերակշիռ քանակով, քանի որ դրանց միջին ցուցանիշները էականորեն տարբերվում են արական սեռի ուսանողների ցուցանիշներից: Սույն առանձնահատկությունը չի հաստատել է աշխատողների խմբում:

Թեստավորման արդյունքների վիճակագրական վերլուծության արդյունքում բացահայտվել են սեռական պատկանելիությամբ ուսանողների համար որոշումների կայացման որոշ առանձնահատկությունների արտահայտվածության օրինաչափություններ: Առավել նշանակալի կապեր բացահայտվել են ըստ երկու ցուցանիշների՝ զգոնություն և պրոկրաստինացիա: Սա թույլ է տալիս հանգել այն եզրակացության, որ այս երկու պրոֆիլները առավել կայուն են թե կանանց թե տղամարդկանց համար:

Ինչն էլ հաշվի կառնենք հետագա հետազոտական աշխատանքների ժամանակ: Պետք է հաշվի առնել նաև այն փաստը, որ հարցարանը կողմնորոշված է, արդեն իսկ հաստատական ռազմավարություն ունեցող անձանց մոտ, բարդ և սպառնացող որոշումների կայացման հետ կապված սթրեսին տիրապետման հիմնական մոդելների բացահայտմանը:

Պետք է հաշվի առնել նաև, որ թեստավորման ընթացքում մասնակիցների մեծ մասը կողմնորոշվել է անորոշ իրավիճակում ընտրության, որոշումների կայացման վարքի ոճի իդեալականացման մոդելի վրա, որը կարող է չհամապատասխանել իրական պայմաններում նրանց վարքին՝ բնորոշ տվյալ անձին և պայմանավորված նրա փորձով: Սույն հանգամանքը պահանջում է արդյունքների ստուգում Ռավենի ռեպերտուարային ցանցի մեթոդիկայով լրացված թեստավորման կիրառմամբ, և պահպանելով ընտրության սեռական միասեռությունը: Ստացված տվյալները նույնպես համեմատել ենք այլ հետազոտությունների արդյունքների հետ, որոնց ժամանակ նույնպես ուսումնասիրվել են տարբեր իրավիճակներում որոշումների կայացման առանձնահատկությունները: Հետազոտության ժամանակ, որին նույնպես մասնակցում էին ուսանողներ, կիրառվել են բինար խնդիրներ՝ անհատական և խմբային աշխատանքների պայմաններում: Արդյունքում պարզ է դարձել, որ նախասիրությունների դինամիկան կախված է որոշումների կայացման ոճից [2]: Միաժամանակ, հետազոտություններից մեկի վերլուծությունից պարզ է դարձել, որ ստորջրյա նավարկությամբ պարապելու փորձից կախված, ընդհանուր ռիսկերի կոգնիտիվ ներկայացումը տարբեր կերպով կապված է ռացիոնալության, ռիսկի հանդեպ պատրաստվածության, ռիսկի նկատմամբ հակումի ինքնագնահատականի և ինքնատիրապետման ոճերի անձնային հատկություններով [3, էջ 212]:

Համեմատական հետազոտության արդյունքների ամփոփումը վկայում է այն մասին, որ դրանք մասնավորապես կրկնում են ռուսական ընտրված անկախ խմբերում ստացված տվյալները, ինչն էլ վկայում է ստացված արդյունքների հուսալիության մասին, և տարածում է որոշումների կայացման սույն պատերնը հայ-

կական կոնտինգենտի վրա: Հետևաբար, հարցադարանի հարմարեցված տարբերակը Ռավենի մեթոդիկայի զուգակցությամբ կարող է կիրառվել հետագա հետազոտությունների ժամանակ՝ կապված անորոշ և ռիսկային իրավիճակներում որոշումների կայացման առանձնահատկությունների հետ:

## **ԳՐԱԿԱՆՈՒԹՅՈՒՆ**

1. Հ. Մ. Ավանեսյան, Փորձարարական հոգեբանություն. Ուսումնական ձեռնարկ, Եր., Էդիթ Պրինտ, 2010. – 288 էջ
2. Դ.Ռ. Հայրապետյան, Ա.Կ. Էրոյան. Անհատական և խմբային աշխատանքում որոշումների կայացման անձնային նախադրյալները// “Տեսական և կիրառական հոգեբանության արդի խնդիրները” միջազգային գիտաժողովի նյութեր – Եր., ԵՊՀ, 2011, էջ 391-393
3. Краснорядцева А. И. Отношение к риску у лиц, имеющих разный опыт занятий дайвингом // Материалы VI Межд. конф. молодых учёных «Психология – наука будущего», М.: Изд-во «ИП РАН», 2015, с. 212-215
4. Корнилова Т.В. Мельбурнский опросник принятия решений/Психологические исследования, 2013, Том 6, N 31, с.2-4
5. Прогрессивные матрицы Равена: методические рекомендации/Сост. и редакция О.Е. Мухордовой, Т.В. Шрейбер. Ижевск: Изд-во «Удмур. Ун-т», 2011. – 70с.
6. Санников А.И. О соотношении рефлексивности и параметров принятия решения// Science and Education a New Dimension. Pedagogy and Psychology, II(8), Issue: 16, 2014, с. 173-177
7. Mann L., Burnett P., Radford M., Ford S. The Melbourne Decision Making Questionnaire: An instrument for measuring patterns for coping with decisional conflict. Journal of Behavioral Decision Making, 1997, 10(1), p.1-19

## **COMPARATIVE ANALYSIS OF DECISION MAKING FEATURES**

### **MARAT DURYAN**

*Post-graduate Student at the Chair of Psychology, RA Public Administration Academy*

The objective of the study included the analysis of methodological approaches to the study of features of decision making in a complex activity, as well as the adaptation and comparative analysis of decision making in the Armenian version of the Melbourne questionnaire decision (MDMQ). Indicators of research performance style decision-making are considered in different groups.

## **СРАВНИТЕЛЬНЫЙ АНАЛИЗ ОСОБЕННОСТЕЙ ПРИНЯТИЯ РЕШЕНИЙ**

### **МАРАТ ДУРЯН**

*Соискатель кафедры психологии Академии государственного управления РА*

Данный этап исследования предполагает анализ методических подходов к изучению особенностей принятия решения в сложных условиях деятельности, а также адаптационный и сравнительный анализ принятия решений в армянской версии вопросника Мельбуерна (MDMQ). Рассмотрены и сравнены показатели стилей принятия решений в разных группах.